



KOMUNIKADO PA PRENSA

Fecha
19 di ougùstùs 2016

Accountmanger di Komunikashon
Jhanirha Da Costa Gomez

Email
jhanirha.anita@gobiernu.cw

Proyekto Tereno pa Tur, pero na òrdu sí ku:

Seshon di informashon den Bario tokante okupashon ilegal di tereno

Willemstad –Den kuadro di e proyekto 'Tereno pa Tur' di Domeinbeheer lo kuminsá ku seshonnan di informashon tokante di okupashon ilegal di tereno di gobièrnu den diferente área rònt Kòrsou. E promé seshon ta tuma lugá djaweps 25 di ougùstùs 2016, di 7or pa 9or di anochi na Sentro di Bario Montaña, i e ta spesial pa tur habitante den e área di Dam Pretu, Fuik, Montaña abou, Rooi Santu, Sabana Baka, Seru Grandi, St. Rosa, Hanenberg, Las Almas, Scherpenheuvel, Cas Grandi, Beurs, Barbouquet, Malouisa i Brakkeput. Domeinbeheer ta hasi un yamada na tur persona relevante pa bin tuma informashon i registrá nan mes pa formalisá nan okupashon ilegal di tereno di Gobièrnu.

Durante di e seshonnan aki, Domeinbeheer ta duna presentashon ku informashon detayá tokante entre otro e proyekto Tereno pa Tur, pero na Òrdu Si, e Maneho di Gobièrnu riba okupashon ilegal di tereno, e prosedura di formalisashon, akshonnan di mantenshon di òrdu (den kaso ku por ehèmpel no hasi petishon pa formalisashon), konsekuensianan ora no por formalisá i perspektivanan ku tin den tapara. Despues di e presentashon, tin oportunidat pa hasi pregunta i risibí kontesta.

Tambe lo tin oportunidat pa registrá pa formalisashon. Si un persona ke formalisá, e mester bin ku su ID i e number di su petishon (POVO) si akaso el a hasi petishon pa formalisá den pasado. Tambe e persona mester por mostra riba mapa unda mas o ménos su kas/konstrukshon ta keda.

Domeinbeheer ta sigui organisá mas seshon di informashon asin'aki den áreanan di Bonam, St. Maria, Tera Kòrá, Barber i Piscadera. Lo anunsiá e fecha i lokalidat pa kada área despues. Minister Camelia-Romer huntu ku Domeinbeheer ta spera un bon partisipashon na e seshonnan aki.